

茗及下  
外舅屠漢翁經年著書種種皆膾炙人口  
大遠不佞無能更僕也其茗笈所彙若採  
製點瀹品泉定湯藏茗辨噐之類式之可  
享清供讀之可悟玄賞矣請歸殺青庶展  
牘間不待躬執而肘腋風生齒頰薦爽覺  
眠雲跂石人相與晤言館甥范大遠記

茗笈及品藻

品一

王嗣奭

昔人精茗事自莼而採而製而藏而瀹而泉必  
躬爲料理又得家童潔慎者專司之則可余家  
食指繁不能給饗餐赤腳蒼頭僅供薪水性雖  
嗜茶精則無暇偶得佳者又泉品中下火候多  
舛雖胡韓與霜荷等余貧不足道卽貴顯家力  
能製佳茗而委之僮婢烹瀹不盡如法故知非  
幽人開士披雲漱石者未易了此夫季疵著茶

茗笈及品藻

正

經爲開山祖嗣後競相祖述屠幽窆先生擷取  
而評贊之命曰茗笈於茗事庶幾終條理者昔  
人苦名山不能徧涉託之於卧游余於茗事效  
之日置此笈於棊几上伊吾之暇神倦口枯輒  
一披玩不覺習習清風兩腋間矣

品二

范汝梓

予謫歸過幽窆出茗笈相視凡陸季疵茶經諸  
家箋疏暨幽窆所自爲評贊直是一種異書按

神農食經茗久服令人有力悅志周公爾雅賈  
苦茶而伊尹爲湯說至味不及茗周禮漿人供

王六飲不及茗厥後杜毓萍賦傳巽七誨間一  
及之而原之騷乘之發植之啓統之契草木之  
佳者采擷幾盡竟獨遺茗何歟因知古人不盡  
用茗盡用茗自季疵始一切世味葷臊甘脆爭  
染指垂涎此物面孔嚴冷絕無和氣稍稍霑唇  
漬口輒便唾去疇則嗜之咄咄幽窆世有知味  
必嗜茗併嗜此笈遇俗物茗不堪與酪爲奴此  
笈政可覆醬瓿也

品三

陳 鉞

夫茗靈芽直筍露液霜華淺之滌煩消渴妙至  
換骨輕身藉非陸氏肇指於前蔡宋數家遞闡  
於後鮮不犯經所謂九難也者幽容屠先生按  
別諸書標贊繫評曰茗笈云嗜茶者持循收藏  
按法烹點不將望先生為丹丘子黃山君之儔  
耶要非畫脂鏤冰費日損功者可擬耳予斷除  
腥穢有年頗得清爭趣味比獲受讀甚愜素心

品四

屠玉衡

幽容茗笈自陸季疵茶經而外採輯定  
人心目如坐玉壺冰啗哀仲梨也者幽容吐納  
風流似張緒終日無鄙言似溫太真跡胷區中  
心超物外而余臭味偶同不覺針水契耳夫贊  
皇辨水積師辨茶精心奇鑒足傳千古幽容庶  
乎近之試相與松間竹下置烏皮几焚博山爐  
斟惠山泉挹諸茗薜而飲之便自羲皇上人不  
遠

之宜茶者則又互有同異與陸漸相背馳